


清代起居注冊

國立故宮博物院珍藏




同治朝第二十七冊

清代起居注冊

同治朝 第二十七冊

國立故宮博物院珍藏



同治六年九月上……	一四七三一
同治六年九月下……	一四七八三
同治六年十月上……	一四八二九
同治六年十月下……	一四八六七
同治六年十一月上……	一四九一七
同治六年十一月下……	一五〇〇一
同治六年十二月上……	一五一一一
同治六年十二月下……	一五一七一

清代起居注冊 — 同治朝

(清) 桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清) 桂清楊等奉敕撰

654.78
7436
72

NT \$ 86,000.00

72 · 12 · 0650

清代起居注冊

同治朝第二十七冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六六一二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝 共壹佰冊
定價每部新台幣八六〇〇元

· 89007184 ·

同治六年歲次丁卯九月初一日辛亥

上詣綏履殿

母后皇太后前請安平安室

聖母皇太后前請安午刻

奉

母后皇太后

聖母皇太后幸漱芳齋看戲侍午膳

是日

起居注官文奎景其濬

初二日壬子

上詣綏履殿

母后皇太后前請安平安室

聖母皇太后前請安內閣奉

諭旨左宗棠奏記名提督劉厚基因母病請假省

視等語目前陝西軍務喫緊劉厚基樸勇著名
現值攻勦甘泉安塞等處賊巢正屬得手未可
遽令離營劉厚基著毋庸給假加恩賞給伊母人
錢四兩由左宗棠發交該提督祇領以示體恤

又奉

諭旨左宗棠奏會匪隨處煽結請飭嚴辦等語近
年哥老會匪結盟聚黨凡官軍駐紮處所潛隨

誘煽江楚黔蜀所在皆有陝甘尤熾竟有軍營
武職人員保至二三品者公然入會愍不畏法
殊可詫异本年三月間曾據楊岳斌奏拏獲約
党燒香充當會首之知縣郭祖漢及都司李桂
芳等一併正法當經降旨諭令各路軍營嚴拏
懲辦茲覽左宗棠所奏復有遊擊馬幅喜綽號
蒼蠅子本係川省會匪溷跡陝西與其党副將

楊明貴干總唐思幅等做會結盟徒與衆多經
該營拏獲與入會勇丁十餘名一併正法可見
該會匪潛滋暗長實為亂階若不嚴行查禁養
癰貽患為害曷可勝言各路軍營武職大員以
積功歷保官階儼廁冠裳之例乃竟甘心入會
形同叛逆實屬罪不容誅除將犯官馬幅喜陽
明貴唐思幅保案撤銷外嗣後軍營武職人員

如有入會為匪及所犯情節按照軍令應予斬
決者無論所保官職大小如現係充當勇丁即
照勇丁一律科罪各營統領查訊嚴辦咨稟督
撫覈奏其游勇隨營勾結為匪者無論有無官
職獲訊確實即行正法都司守備以下咨部查
銷保案叅將遊擊以上彙案奏明各路統兵大
臣及地方督撫大吏務當隨時認真查察以杜

亂萌儻或姑息養奸釀成巨患定惟該統兵大臣督撫等是問將此通諭知之

是日

起居注官紹祺徐桐

初三日癸丑

上詣綏履殿

母后皇太后前請安平安室

聖母皇太后前請安內閣奉

諭旨御史盧士杰奏請將素行奸詐之知縣革職
等語分發江蘇試用知縣單體晉前在河南軍
營帶勇騷擾經前任河南巡撫鄭元善奏參以
縣丞降補該員鑽謀留營開復分發江蘇在京
時又復各處招搖行止不端實於官箴有玷單
體晉著即行革職以示懲儆

諭旨前據嚴樹森奏查明貴州道員鄧爾巽被叅
各款當降旨將該員革職永不敘用並從重發
往新疆茲據御史盧士杰奏稱該革員罪重法
輕請明正典刑等語鄧爾巽歷任貴州道府任
內勒捐激變復棄城避賊肆酷虐民劣蹟甚多
嚴樹森前次僅據訪查入奏並未提案研訊請
將該員發往軍台朝廷以所定罪名不足示懲

特降諭旨從重發往新疆茲據該御史所奏尚
覺情重法輕著曾璧光即將此案人證提集詳
加研鞫按照所叅覈實定擬毋稍輕縱

是日

起居注官蘇勒布翁同龢

初四日甲寅

上詣綏履殿

母后皇太后前請安平安室

聖母皇太后前請安內閣奉

諭旨此案著交劉長佑督同臬司親提人證卷宗

秉公嚴訊確情按律定擬具奏原告民人陳培
統該部照例解往備質是日禮部題年逾百齡
之四川溫江縣壽民帥士珍准

旌奉

諭旨帥士珍著加恩賞給上用緞一疋銀十兩餘
依議又題年逾百齡之江西永新縣壽婦汪

匡氏准

旌奉

諭旨汪匡氏著加恩賞給上用緞一疋銀十兩餘
依議又題年逾百齡之山西渾源縣壽民李
復詳李開武均准

旌奉

諭旨李復詳李開武均著加恩賞給上用緞一疋
銀十兩餘依議

是日

起居注官鐵祺趙新

初五日乙卯

上詣綏履殿

母后皇太后前請安平安室

聖母皇太后前請安辰刻

上御養心殿陞座

受奕謨以婚禮成偕夫人行禮內閣奉

諭旨吏部奏遵議署貴州巡撫張亮基處分一摺

張亮基著照該部所議即行革職餘依議又奉

諭旨都察院奏據前任金州副都統希拉布遣抱